



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 423
e-mail: info@voda.ba

Broj: **UP-1/21-3-40-583-9/24**

Datum: **21.02.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „VIN-PEX&CO“ d.o.o. Kiseljak za donošenje rješenja o vodnoj dozvoli za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije poslovnog kompleksa objekata za privremeno skladištenje, tretman, obradu i daljnju prodaju neopasnog i opasnog otpada, lociranog na zemljištu označenom kao k.č. 1852/4 K.O. Brestovsko, općina Kiseljak, na osnovu člana 139. stav (1) tačka 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu lica „VIN-PEX&CO“ d.o.o. Kiseljak daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije poslovnog kompleksa objekata za privremeno skladištenje, tretman, obradu i daljnju prodaju neopasnog i opasnog otpada, lociranog na zemljištu označenom kao k.č. 1852/4 K.O. Brestovsko, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokaciji objekata, detaljnog dinamičkog plana ulaganja urađenog od strane pravnog lica, broj: 07-02/25-1 od 07.02.2025. godine i pod slijedećim uslovima:
 - 3.1. Da se izvođenje radova na lokaciji poslovnog kompleksa objekata za privremeno skladištenje, tretman, obradu i daljnju prodaju neopasnog i opasnog otpada vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, u skladu sa dostavljenim detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti:
 - 3.2.1. Da se u narednom periodu, na osnovu utvrđenih količina i sastava tehnoloških otpadnih voda koje nastaju na lokaciji poslovnog kompleksa objekata za privremeno skladištenje, tretman, obradu i daljnju prodaju neopasnog i opasnog otpada i onečišćenih otpadnih voda sa platoa, saobraćajnih i manipulativnih površina, izradi i reviduje investiciono-tehnička dokumentacija sistema za prikupljanje tehnoloških otpadnih voda - separatnog tipa (odvojeni sistem za sanitarno-fekalne vode, tehnološke vode i onečišćene vode sa platoa). Projektna dokumentacija treba da bude urađenu na nivou Glavnog projekta, za prikupljanje, prečišćavanje i ispuštanje tehnoloških otpadnih voda koje nastaju na predmetnom lokalitetu u definisani recipijent - rijeku Mlavu, a sve u skladu sa članom 5. stav (2) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22).

Investiciono-tehnička dokumentacija iz dispozitiva ovog rješenja treba biti izrađena i revidovana od strane pravnog lica koje ima ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»), a u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).

Projektna dokumentacija treba biti urađena na nivou potrebnom za pribavljanje građevinske dozvole.

Projektnom dokumentacijom, u skladu sa zakonskim propisima, treba da se definiše način privremenog pa sve do konačnog zbrinjavanja mulja iz postrojenja za prečišćavanje tehnoloških otpadnih voda.

Lokalitet ispusta prečišćenih voda i monitoring okna mora biti naznačen na situaciji adekvatne razmjere.

Da se redovno prati stanje obale i korita rijeke Mlave i u slučaju eventualnog uočavanja procesa erozije potrebno je poduzeti sve raspoložive mjere da se iste blagovremeno otklone, a korito čisti od eventualnog nanosa materijala.

Potrebno je da svi novoprojektovani objekti budu udaljeni min. 5,0 m od korita (izrazite geomorfološke promjene terena) rijeke Mlave. Krajnji rok za realizaciju ove aktivnosti je mjesec maj 2025. godine.

3.2.2. Ishodovanje od strane nadležnog općinskog organa urbanističke saglasnosti prema izrađenom Glavnom projektu iz tačke 3.2.1. Krajnji rok za realizaciju ove aktivnosti je mjesec oktobar 2025. godine.

3.2.3. Ishodovanje od strane nadležnog općinskog organa odobrenja za građenje prema uslovima iz urbanističke saglasnosti i u skladu sa Glavnim projektom. Krajnji rok za realizaciju ove aktivnosti je mjesec novembar, 2025. godine.

3.2.4. Realizacija projektovanih aktivnosti na terenu u skladu sa uslovima iz urbanističke saglasnosti, građevinske dozvole i glavnog projekta. Krajnji rok za realizaciju ove aktivnosti je 30.06.2026. godine.

3.2.5. Organiziranje tehničkog prijema za objekte definirane ishodoivanom građevinskom dozvolom. Krajnji rok za realizaciju ove aktivnosti je 30.06.2026. godine.

3.3. Da se objekti čija je svrha odvođenje i prečišćavanje tehnoloških otpadnih voda (slivnici, kanali sa rešetkama, reviziona okna, taložnici, separator ulja i masti, kanali za prihvatanje oborinskih voda i dr. u skladu sa projektnom dokumentacijom) redovno održavaju i koriste na način koji će obezbijediti njihovu potpunu ispravnost i funkcionalnost.

3.4. Prečišćene vode prije ispuštanja u recipijent trebaju ostati u maksimalno dozvoljenim granicama definisanim u Uredbi o uslovima ispuštanja otpadnih voda u okoliš i sisteme javne kanalizacije („Službene novine Federacije BiH” broj: 26/20, 96/20, 1/24).

3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).

3.7. Ukoliko Vlada Srednjobosanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 1, Tabela 1.1. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz revizionih šahtova i kanala i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.11. Da se istrošena ulja, nauljene krpe i sav opasan otpad redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, najkasnije do 30.06.2025. godine na obrascu iz Priloga B. navedene Uredbe.
10. Ova vodna dozvola, u skladu sa članom 26. stav (1) Uredbe izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 1/24) se daje sa rokom važenja do 30.06.2026. godine, uz uslov da se aktivnosti obuhvaćene tačkama 3.2.1. do 3.2.5. dispozitiva rješenja u cijelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „VIN-PEX&CO“ d.o.o. Kiseljak obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije poslovnog kompleksa objekata za privremeno skladištenje, tretman, obradu i daljnju prodaju neopasnog i opasnog otpada, lociranog na zemljištu označenom kao k.č. 1852/4 K.O. Brestovsko, općina Kiseljak.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Rješenja o registraciji broj: 051-0-Reg-14-000555 od 06.10.2014. godine izdato od Općinski sud u Travniku – ovjerena kopija,

- Uvjerenje o poreznoj registraciji doneseno od strane Porezne uprave – Kantonalni porezni ured Novi Travnik, 15.10.2014.godine - ovjerena kopija,
- Rješenje o vodnoj dozvoli, broj:UP-I/25-3-40-222-6/17 od 26.05.2017. godine izdato od strane Agencije za vodno područje rijeke Save, Sarajevo – kopija,
- Izjava broj:10-12/24-1 od 10.12.2024. godine o realizaciji svih aktivnosti na terenu u skladu sa uslovima iz vodne dozvole,
- Rješenje o okolinskoj dozvoli, broj:UPI 05/2-02-19-5-12/21MK od 02.11.2021. godine izdato od strane Federalnog ministarstva okoliša i turizma – kopija,
- Rješenje o vodnoj dozvoli, broj:06-21-3531/22 od 26.05.2022. godine izdato od strane Ministarstva poljoprivrede, vodoprivrede i šumarstva Srednjobosanskog kantona – kopija,
- Transportna dokumentacija za otpad, Aida Commerce d.o.o. Sarajevo, od 28.02.2022. godine – kopija,
- Zapisnik o uzorkovanju otpadnih voda urađen od strane "Inspekt RGH" d.o.o. Sarajevo od 19.11.2024. godine – kopija,
- Detaljni dinamički plan, broj:07-02/25-1 od 07.02.2025. godine,
- Izvještaj o monitoring kvaliteta i kvantiteta otpadnih voda za objekat "VIN-PEX&CO" d.o.o. Kiseljak, urađen od strane "Inspekt RGH" d.o.o. Sarajevo, broj izvještaja 2389/24, novembar 2024. godine,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija:

- Glavni građevinski projekt urađen od strane "Expert" d.o.o. Vitez, februar 2021.godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH" broj 31/15, 55/19, 41/20, 63/22) izvršen je uviđaj kod investitora „VIN-PEX&CO" d.o.o. Kiseljak i tom prilikom sačinjen Zapisnik o izvršenom uviđaju broj: UP-1/21-3-40-583-6/24 od 29.01.2025. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pravnom licu „VIN-PEX&CO" d.o.o. Kiseljak je izdato Rješenje o vodnoj dozvoli broj: UP-I/25-3-40-222-6/17 od 26.05.2017. godine za ispuštanje tehnoloških otpadnih voda sa lokacije poslovnog kompleksa - za privremeno skladištenje, tretman, obradu i daljnju prodaju neopasnog i opasnog otpada, na zemljištu označenom kao k.č. 1852/4, k.o. Brestovsko (zk uložak broj 1754), općina Kiseljak, površine cca 17500 m².
- Pravno lice „VIN-PEX&CO" d.o.o. Kiseljak se bavi prikupljanjem i obradom neopasnog i opasnog otpada (plastika, guma, metalni otpad, električne i elektroničke opreme, baterija i akumulatora, otpadnih ulja, stare opreme koja sadrži opasne komponente i ostale frakcije). Kompletan krug poduzeća je iskorišten u svrhu skladištenja, selektivnog razdvajanja, prešanja i otpreme navedenih vrsta neopasnog i opasnog otpada poznatom kupcu.
- U krugu poduzeća «VIN-PEX&CO» d.o.o. Kiseljak nalaze se sljedeći objekti: upravna zgrada, skladišta sa nadstrešnicom otvorenog i zatvorenog tipa, osam betonskih boksova za skladištenje sekundarnih sirovina, vage, hidraulična presa – mobilna, livnica za aluminij- proizvođač «LINGOTTIERA 72 PAN» Italija, godina proizvodnje 2000 (trenutno nije u funkciji).
- Otpadna vozila, bakar, olovo, cink, željezo, aluminij i dr. neopasni otpad, se sortira po vrsti i kvaliteti, po potrebi se siječe i skladišti u betonske boksove.
- Radi lakšeg transporta aluminija, sav otpadni aluminij se siječe na komade određene veličine tako da se mogu transportirati preko kosog ulaznog transportera i ubaciti u peć za topljenje aluminija. Svi otpadni plinovi nastali tokom topljenja aluminija prečišćavaju se u vodenom filteru koji je sastavni dio livnice. Nakon što se komadi aluminija istope u peći, isti se lijevaju u kalote određene veličine. Nakon što se kalote ohlade, slažu se na palete.
- Radno-manipulativni prostor unutar kruga je djelimično asfaltiran (cca 60%).
- Sanitarno-fekalne vode iz objekata skupljaju se u septičkoj jami, a preliv iz septičke jame odlazi u rijeku Mlavu. U toku je izgradnja kanalizacione mreže naselja Brestovsko.
- Objekti su priključeni na lokalni vodovodni sistem naselja Brestovsko, općina Kiseljak.

➤ Pravno lice nije na terenu postupilo po zahtjevima iz Rješenja o vodnoj dozvoli tj nije izvršilo izradu i reviziju projektne dokumentacije, a na osnovu utvrđenih količina i sastava tehnoloških otpadnih voda koje nastaju na lokaciji poslovnog kompleksa - za privremeno skladištenje, tretman, obradu i daljnju prodaju neopasnog i opasnog otpada i onečišćenih otpadnih voda sa platoa, saobraćajnih i manipulativnih površina. Projektna dokumentacija je trebala da bude urađena na nivou Glavnog projekta, za prikupljanje, prečišćavanje i ispuštanje tehnoloških otpadnih voda koje nastaju na predmetnom lokalitetu u definisani recipient- rijeku Mlavu, a sve u skladu sa odredbama Pravilnika o sadržaju, obliku, uvjetima i načinu izdavanja i čuvanja vodnih akata.

➤ Pravno lice je dostavilo detaljni dinamički plan ulaganja, broj: 07-02/25-1 od 07.02.2025. godine koji je na protokolu Agencije zaprimljen 12.02.2025. godine.

➤ U skladu sa dostavljenim dokumentom planirano je da se sve aktivnosti na izradi projektne dokumentacije, ishodovanju urbanističke saglasnosti, građevinske dozvole te realizacija na terenu po istom okonča do 30.06.2026. godine, uključujući i tehnički prijem.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „VIN-PEX&CO“ d.o.o. Kiseljak ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije poslovnog kompleksa za privremeno skladištenje, tretman, obradu i daljnju prodaju neopasnog i opasnog otpada lociranog na zemljištu označenom kao k.č. 1852/4 K.O. Brestovsko, općina Kiseljak, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „VIN-PEX&CO“ d.o.o., Kiseljak

Uč. Brestovsko bb, Kiseljak, (sa prilogom),

⊙ AVP Sava, ISV – Vodna knjiga,

- Sektor 50,

- Sektor 40, arhiva,

- Oglasna ploča-AVP Sava